



## FODHLÍTHE CHOMHAIRLE CATHRACH BHAILE ÁTHA CLIATH UM RIALÚ PÁIRCEÁLA

### COINNÍOLLACHA

1. Is féidir ceadanna cuairteora a eisiúint do chónaitheoir atá i dteideal cead cónaitheora a fháil, cibé acu atá nó nach bhfuil cead cónaitheora aige/aici.
2. Ní mór duit 2 fhianaise cónaithe reatha mhalartacha (i.e. dátaithe laistigh den 3 mhí deiridh) a sholáthar a bhfuil d'ainm agus do sheoladh uirthi, e.g. Bille ón mBord Gáis, ó Eircom (teileafón), BSL nó UPC; ráiteas Bainc, cárta creidmheasa nó comhair creidmheasa; bille ó Phonewatch nó Ceadúnas Teilifíse. Ní ghlacann an Chomhairle Cathrach le billí neamhtheaghlaigh nó le billí d'fhón póca.
3. I scéim páirceála ceada is é 80 an líon iomlán cead páirceála cuairteora is féidir a eisiúint do chónaitheoir incháilithe in aon tréimhse 12 mhí, faoi réir uasteorann de 160 cead páirceála cuairteora in aghaidh aon tí amháin in aon tréimhse 12 mhí nó 80 in aghaidh an fhoirgnimh incháilithe atá roinnte in aonaid tithíochta.
4. Ciallaíonn cónaitheoir incháilithe, duine d'aois 17 nó níos mó a shásaíonn an Chomhairle go bhfuil a g(h)náthchónaí i bhfoirgneamh suite ar bhóthar poiblí i gcrios ceada páirceála cónaitheora agus atá i dteideal cead páirceála cónaitheora a fháil faoi théarmaí na bhFodhlíthe seo (féach coinníollacha 5, 6, 7, 8 agus 9 anseo thíos).
5. Má úsáidtear an foirgneamh mar aonad tithíochta amháin, tá uasteidlíocht de 4 chead cónaitheora ann d'fhoirgneamh i gcrios íoséilimh agus 3 chead cónaitheora do gach foirgneamh i gcrios uaséilimh. Má thugtar isteach crios ceada páirceála cónaitheora nua tar éis an 1<sup>chd</sup> Meán Fómhair 2011, is 2 chead cónaitheora in aghaidh an fhoirgnimh an uasteidlíocht i gcrios uaséilimh.
6. Má tá an foirgneamh roinnte i 2, 3 nó 4 aonad tithíochta, cibé acu i gcrios íoséilimh nó uaséilimh, tá uasteidlíocht de 1 chead cónaitheora amháin ann in aghaidh an aonaid.
7. Má tá breis agus 4 aonad tithíochta san fhoirgneamh agus é suite i gcrios íoséilimh, tá uasteidlíocht de 1 chead cónaitheora amháin ann in aghaidh an aonaid (tithe athchóirithe agus bloic árasáin san aireamh).
8. Níl cónaitheoirí i mbloic árasán ina bhfuil níos mó ná 4 haonad chónaithe agus atá suite i gcrios uaséilimh incháilithe ceadanna cónaitheoirí a fháil.
9. Nuair atá níos mó ná 4 haonad tithíochta i dteach athchóirithe agus é suite i gcrios uaséilimh, is é 4 chead cónaitheoirí an teidlíocht fhoriomlán don fhoirgneamh sin, nó is é an cuóta ceadanna an teidlíocht fhoriomlán don fhoirgneamh sin (más infheidhme) más mó é, faoi réir 1 chead cónaitheora in aghaidh gach aonaid tithíochta.
10. Is féidir feithicil a bhfuil Cead Cuairteora ar taispeáint inti a pháirceáil ar feadh uastréimhse leanúnach de 24 uaire ón uair a thosaigh an pháirceáil. Ní féidir ach le duine atá ar cuairt, a ghlaonn ar an gcónaitheoir nó a fhanann leis/léi nó atá fostaithe ag an gcónaitheoir chun obair a dhéanamh ar an áitreabh, an cead seo a úsáid.
11. I gcás aon tí nua-athchóirithe, a athchóiríodh tar éis an 1chd Meán Fómhair 2011 nó i gcás go dtugtar fógra don Chomhairle i dtaobh an athchóirithe den chéad uair tar éis an 1chd Meán Fómhair 2011, coinneoidh an teach an cuóta a bhí aige roimhe sin don fhoirgneamh.
12. Níl cead páirceála cuairteora bailí ach amháin sa tsráid/sna sráideanna a luaitear ar an gcead sin.
13. Níl gnólachtaí, fostaithe agus tiarnaí talún neamhchónaithe incháilithe le haghaidh ceadanna páirceála cuairteora.